



21 OCT, 2020

## FAMA Johor mohon pasar tani dibenar beroperasi

Sinar Harian, Malaysia

Page 1 of 2

### FAMA Johor mohon pasar tani dibenar beroperasi

**JOHOR BAHRU** - Lembaga Pemasaran Pertanian Persekutuan (FAMA) Johor memohon agar pasar tani di bawah pentadbiran pihak berkuasa tempatan (PBT) di negeri itu yang diarahkan tutup sementara dibenarkan untuk kembali beroperasi dalam tempoh terdekat.

Pengaruhnya, Shahrizan Sudiman berharap PBT dapat mempertimbangkan perkara itu dan pihaknya sentiasa bersedia sekiranya terdapat tambahan prosedur operasi standard (SOP) baharu dalam mencegah penularan wabak Covid-19.

Beliau berkata, hal itu dibangkitkan kerana pihaknya mendapat maklum balas daripada peniaga yang terkesan berikutan arahan penutupan itu.

“Kita akur susulan (penularan wabak Covid-19), tetapi kita harap rintihan dan keluhan daripada peniaga ini dipertimbangkan.

“Dari segi kawalan, kita akan patuh. Sekiranya tempoh masa tidak boleh bermula dihadkan sampai jam 12 tengah hari, kita akan patuh termasuk terhadap sebarang SOP tambahan,” katanya ketika ditemui pemberita di Pasar Tani Kekal Datin Halimah di sini semalam.

Shahrizan diminta mengulas mengenai arahan penutupan sementara operasi semua pasar malam, pasar pagi, pasar khas, Bazar Johor Bahru, termasuk empat pasar tani (bukan Pasar Tani Kekal) bermula 16 Oktober lalu. -Bernama



21 OCT, 2020

## FAMA Johor mohon pasar tani dibenar beroperasi

Sinar Harian, Malaysia

Page 2 of 2

### SUMMARIES

JOHOR BAHRU - Lembaga Pemasaran Pertanian Persekutuan (FAMA) Johor memohon agar pasar tani di bawah pentadbiran pihak berkuasa tempatan (PBT) di negeri itu yang diarahkan tutup sementara dibenarkan untuk kembali beroperasi dalam tempoh terdekat. Pengaruhnya, Shahrizan Sudiman berharap PBT dapat mempertimbangkan perkara itu dan pihaknya sentiasa bersedia sekiranya terdapat tambahan prosedur operasi standard (SOP) baharu dalam mencegah penularan wabak Covid-19.